



KONTROLLUTVALET FOR AUSTRHEIM KOMMUNE MØTEUTSKRIFT

Møtedato: 15. juni 2018

Stad: Kommunehuset – møterom Børilden

Kl.: 08.30 – 10.15

Tilstade: Solveig Hopen (leiar), Tore Austrheim (medlem) frå sak 20/18, Jakob Sæthre (vara for Bente Øksnes), Rolf Sandstad (medlem) og Arne Kästel (nestleiar)

Innkalla: Assisterande Olav Mongstad, til sak 21/18

Revisjon: Revisjonssjef Reidar Bjørsvik og forvaltningsrevisor Dag Inge Bøe

Sekretær: Øivind Olsnes

Forfall: Bente Øksnes

Tore Austrheim møtte til sak 20/18.

Ved handsaming av sak 17-19/18 var det 4 av 5 medlemmar til stades

17/18 Godkjenning av innkalling og sakliste

Behandling i møte:

Framlegg til vedtak:

Innkalling og sakliste er godkjent

Samrøystes vedtak:

Innkalling og sakliste er godkjent

18/18 Godkjenning referat frå sist møte

Saksvedlegg:

Møteutskrift frå møtet 03.05.2018

Behandling i møte:

Leiaren orienterte om tilbakemelding/oppfølging vedkomande sak 15/18.

Framlegg til vedtak:

Møteutskrift frå møte 03.05.2018 er godkjent

Samrøystes vedtak:

Møteutskrift frå møte 03.05.2018 er godkjent

19/18 Skriv og meldingar

Saksvedlegg:

- Fylkesmannen i Hordaland - Brev datert 27.04.18 - Austrheim kommune, Budsjett og økonomiplan

Behandling i møte:

Fylkesmannen sitt brev vart drøfta.

Framlegg til vedtak:

Kontrollutvalet tek skriv og meldingar til orientering

Samrøystes vedtak:

Kontrollutvalet tek skriv og meldingar til orientering

20/18 Forvaltningsprosjekt – PPT / Spesialundervisning Godkjenning av prosjektplan og oppstart

Saksvedlegg:

Nordhordland Revisjon. Prosjektplan: PPT og Spesialundervisning, Austrheim kommune 2018

Saksopplysningar / vurderingar:

Kommunestyret har for perioden 2016 - 2019 vedteke (sak 010/16) plan for forvaltningsrevisjon der følgjande er prioritert:

KS - vedtak:

Austrheim kommunestyre ber kontrollutvalet prioritera følgjande områder når utvalet skal gjennomføra forvaltningsrevisjon i perioden 2016 – 2019:

1. PPT og spesialundervisning.
2. Barnevernet.
3. Folkehelse i Austrheim
4. Økonomistyring og aktuelle øyremerka tilskot

Kontrollutvalet gjev tilbakemelding til kommunestyret om gjennomføringstidspunkt.

Grunngjeving.

Det er kjent at Austrheim kommune har mange vedtak som fører til spesialundervisning og at det er mange elevar som får slik undervisning i siste fase av grunnskulen. Dei fleste ekspertar meiner at slik undervisning i slutten av skuleløpet gir liten effekt og at innsatsen må setjast inn tidlegare. Tidleg innsats meiner ein vil vera avgjerande for å få ned fråfallet i den vidaregåande skulen. Austrheim kommunestyre vedtok under budsjettbehandlinga å setja av ekstra midlar til tidleg innsats. For å kunna styra meir av ressursane mot tidleg innsats, er det viktig at både politikarar og kommuneleiinga får mest mogeleg fakta om dagens bruk av spesialundervisning i Austrheim-skulane. Eit godt barnevern kan vera avgjerande for at alle barn i kommunen skal få dei gode oppvekstvilkåra som me ønskjer å gje dei. Dersom me feilar på dette området kan det få alvorlege konsekvensar for dei som vert råka og påføra samfunnet store kostnader. Barnevernet er samstundes eit fagfelt som til dels er skjerna og lite kjent for politikarane. Det er viktig at politikarane vert betre kjent med utfordringane og moglegheitene ein har med dagens barnevern.

Hordland fylkeskommune laga i 2015 ei kunnskapsoversikt over folkehelsa i Hordaland. På fleire områder skil Austrheim seg negativt ut. Det vil vera svært nyttig å finna årsakene til at Austrheim kjem dårlegare ut enn gjennomsnittet i Hordaland på dette området og kommunen bør setja inn tiltak for å lukka gapet mellom eigne prestasjonar og dei beste kommunane i fylket.

Det er viktig at kontrollutvalet med jamne mellomrom orienterer kommunestyret om framdrifta med forvaltningsrevisjonane og rapporterer eventuelle avvik i framdrifta når slikt avvik oppstår.

Dersom forvaltningsrevisjonane ikkje let seg gjennomføra som planlagt eller det dukkar opp nye saker og områder som bør prioriterast framfor dei sakene kommunestyret har prioritert, må kontrollutvalet informera kommunestyret om dette og innhenta kommunestyret si godkjenning til eventuelle avvik frå den vedtekne planen.

Revisjonen har no laga ein prosjektplan som her vert lagt fram for kontrollutvalet til drøfting og godkjenning.

Føremålet med forvaltningsprosjektet er å undersøkje korleis kommunen har organisert seg for å stette lovkrav, sikre at innbyggjarane sine rettar vert haldne og sikre kvalitet innan tenesteområdet. Revisjonen vil ta føre seg både vedtaksproduksjon og vedtaksgjennomføring.

Det er skissert seks ulike førebels problemstillingar som vil verte nærmare orientert om av revisjonen i møtet.

Av prosjektplanen går også fram kva avgrensingar som vert tilrådd og kva revisjonskriterium som vert lagt til grunn.

Metode for gjennomføring av prosjektet vil verte lagt opp etter RSK 001; *Forvaltningsrevisjon organisert som prosjekt*» og organisert slik det går fram av prosjektplanen.

Prosjektet vil kunne starte opp sommaren 2018, og prosjektrapport kan handsamast i KU i løpet av første halvår 2019.

Behandling i møte:

Forvaltningsrevisor Dag Inge Bøe orienterte om kva som er lagt til grunn i framlegget til prosjektplan.

Kontrollutvalet drøfta ulike problemstillingar og kva føringar som skal leggjast til grunn ved gjennomføring av prosjektet.

Revisjonssjef Reidar Bjørsvik og forvaltningsrevisor Dag Inge Bøe svarte på spørsmål frå kontrollutvalet.

Framlegg til vedtak:

Kontrollutvalet godkjenner framlegget til prosjektplan og tingar frå revisjonen oppstart av forvaltningsprosjektet *PPT, spesialpedagogisk hjelp og spesialundervisning i Austrheim kommune*.

Samrøystes vedtak:

Kontrollutvalet godkjenner framlegget til prosjektplan og tingar frå revisjonen oppstart av forvaltningsprosjektet *PPT, spesialpedagogisk hjelp og spesialundervisning i Austrheim kommune*.

21/18 Orientering vedkomande Det Norske Kartselskap AS

Saksvedlegg:

Saksopplysningar:

Avisa VG hadde i april 2018 fleire oppslag der dei påsto at mange kommunar vart lurt ved å fakturere «ikkje reelle tenester» til kommunane.

Rådmannen er førespurt om gje ei orientering om dei opplysningar som her framkom om kommunen.

Behandling i møte:

Assisterande rådmann Olav Mongstad møtte og orienterte om saka.

Det vart lagt fram notat med opplysningar til saka og kva som er gjort for å rydde opp i ulike avtalar.

Framlegg til vedtak:

Saka lagt fram utan framlegg til vedtak.

Samrøystes vedtak:

Kontrollutvalet takkar for orienteringa og tek den til etterretning.

22/18 Gjennomgang av møteprotokollar frå politiske utval

Saksopplysningar:

Kontrollutvalet har tilgang til alle møteprotokollar.

Behandling i møte:

Framlegg til vedtak:

Kontrollutvalet har ingen merknadar til møtebøker frå politiske utval

Samrøystes vedtak:

Kontrollutvalet har ingen merknadar til møtebøker frå politiske utval

23/18 Eventuelt

Behandling i møte:

Revisjonssjef Reidar Bjørsvik orienterte om at han kjem til å gå ut av si stilling 1.oktober 2018.

Samrøystes vedtak:

Neste møte i kontrollutvalet er 18. september 2018 kl. 08.30

Saker til neste møte:

- Orientering - økonomisk status pr. 31.08.18 og rapportering til Fylkesmannen jmf. brev datert 27.04.2018
- Oppfølging av punkt i revisjonsrapport nr. 15
- Orientering/dialog med ordførar/rådmann

Austrheim, 15.06. 2018


Solveig Hopen/leiar


Arne Kästel (nestleiar)


Øyvind Olsnes/sekretær

